



5. juli 2022

Inatsisartut ingerlatsinermut maleruagassaasa § 37 imm. 1 tunngavigalugu Naalackersuisunut ukuningga apeqquteqaateqarpunga:

**Naalackersuisunut apeqquteqaatit:**

1. **Kalaallit Nunaanni Aalisarsinnaanermut Akuersissutinik Nakkutilliisoqarfik, Issittumi Sakkutooqarfik, Kalaallit Nunaanni Politiit aammalu Unnerluussisussaataasut Aalisarnermut Inatsi atuutsinneqarnissaanut nakkutilliinermut suliaqartoqartillugu oqartussat akunnerminni suliasat agguataarsimanerat Naalackersuisut ersarissarsinnaanerlunikku?**
2. **Oqartussat ataasiakkaarlugit nakkutilleeriaatsit suut aammalu qanoq pisoqartillugu nakkutilliinerit suliarisassaneraat Naalackersuisut ersarissaasinnaanerlutik?**
  - a. **Aalisarnermut Inatsi atuutsinneqarneranut allanik aamma nakkutilliisoqarsimappat apeqqut normu 2 assigalugu Naalackersuisut ersarissaaqquneqarput.**
3. **Kalaallit Nunaanni Aalisarnermut Akuersissutinik Nakkutilliisoqarfik ilumut namminneerlutik aalisariutinut ikisinnaanissamut pisinnaatitaanersut Naalackersuisut immikkut paasissutissiisinnaanerlutik?**

(Inatsisartunut ilaasortaq Jens-Frederik Nielsen, Demokraatit)

**Tunngavilersuut**

Tusagassiutit aqutugalugit Kalaallit Nunaanni Aalisarnermut Akuersissutinik Nakkutilliisoqarfik aalisariutinut nakkutilliinera nalunaarsuiartortarneralu pillugit tusakkat aallaavigalugit aalisarnermut inatsi atuutsinneqarneranut oqartussat sorliit akisussaasut aammalu oqartussat akunnerminni akisussaaffiit agguataarneqarneri nalornissutigineqalersimasutut nalilerpara.

Aalisarnermut nakkutilliisarneq aalisartunut ataasiakkaanut misigisaq sakkortusinnaasartuuvoq, taamaattumillu oqartussani kikkut sussanersut nakkutilleeriaaserlu qanoq ittoq suliarineqassanersoq ersarissuunissaa pingaaruteqarluinnarpoq.

Aalisarnermik nakkutilliisarnermut nalunaarut atuutsinneqaqqaalermalli Demokraatiniit Naalackersuisut oqariartuuteqarfigisarnikuuagut tamanna pisariaqaranilu pissusissamisuunngitsoq. Aalisarnermut Inatsi suliarileruttorparput. Tamanna suliarineqarnerani inatsi allaffissornermik pilersitsinngitsoq aalisarnermullu inatsi inuussutissarsiortunut pitsaasunik inuiaqatigiinnullu iluanaarutaasussamik pilersitsisoq kissaatigaarput. Una Nalunaarut pitsaanngitsup tungaanut aallariartitsinikuuvoq.

Apeqqutit ullut qulit suliffiusut iluanni akineqareersimanissaat kissaatigaara.